



HEBAT...Veteran UPM dan Pilihan Veteran Melaka sebelum aksi persahabatan di Kolej 14, baru-baru ini.

Rusdi masih menyengat

Bantu pasukan Veteran UPM pada aksi persahabatan

>>Oleh NAZRI ABU BAKAR

DUA gol bekas penyerang sensasi negara dan Selangor, Rusdi Suparman membantu pasukan Veteran Universiti Putra Malaysia (UPM) menewaskan Pilihan Veteran Melaka 4-2 pada aksi persahabatan di Kolej 14, kampus itu baru-baru ini.

Walaupun pelawat mendahului 2-0 buat satu ketika, tetapi benteng pertahanan mereka longgar di babak kedua menyaksikan empat gol dihasilkan tuan rumah pada pertengahan aksi untuk menang dengan jaringan selesa.



Skuad UPM yang turut menurunkan bekas pemain negara, Asrof Hanafiah nyata bijak mendominasi perlawanan dengan memberi tekanan untuk mengatasi pelawat pada penghujung saingan.

Malah, Rusdi nyata masih berbisa apabila dua gol yang

dihasilkan menjadi perangsang untuk skuad itu menjinakkan veteran Melaka.

Setiausaha Pilihan Veteran Melaka, Mohamad Abdul Hatta berkata, pasukannya bersemangat untuk memenangi perlawanan, tapi aksi yang terpaksa dihentikan berikutan hujan lebat nyata membataskan hasrat mereka.

Apapun, katanya, perlawanan itu dilihat memantapkan persembahan pemain dalam usaha memperkemas barisan menjelang Kejohanan Terbuka Veteran anjuran Arena FM di Bandaraya Melaka, Jun depan.